

通許縣志

第四冊

卷之八 藝文志 上

DS
793
H527847
1770



通許縣志卷之八

藝文志

古稱立言爲三不朽之一墳典邱索由來尚矣自後
世鋪張揚厲纚纚千言究無當於辭達之旨然其仰
面屋梁開靈府之秘鑰洩造物之菁英誠有不容泯
滅者許邑僻處汴南人多質實雖未能望古作者之
林而

天子之德音與士大夫之咏歌紀述實足以彰政教而
驗民風例得付之梨棗他如言不雅馴或事非一邑
之要概置弗登不敢蹈誇多鬪靡之誚也志藝文

誥勅

制曰國家於任職之臣既有以褒榮之而復推恩於其親者所以惇本始而勸忠孝也爾前江西布政司右叅政時泰今行在浙江道監察御史紀之父歷事祖宗擢佐藩政子既登用祿養不逮揆厥所自宜有顯褒用是進爾爲太中大夫錫之誥命九原不昧祇服榮恩

勅曰國家推恩臣下而必及其親者所以重本而勸孝也而何間於存沒哉承德郎刑部山東清吏司主事婁良故父丁酉科舉人婁恪善積於躬慶延厥子揆其所自宜有顯褒今特贈爲承德郎刑部山東清吏司主事靈

其不昧尚克承之

勅曰國家於任職之臣必褒顯及其親者所以重源本也爾王氏子婁良爲承德郎刑部山東清吏司主事克勤厥職皆爾善德所致茲特封爲太安人服此隆恩尚懋敬之

勅曰刑部古司寇之任慎刑罰以重民之命故置屬詳於諸部要必遴選其人以任之而後用無不當爾承德郎刑部山東清吏司主事婁良發身賢科擢任斯職詳明勤慎用舉厥官茲特錫之勅命以示褒榮爾其益修厥職使刑罰清而人不冤斯副朕委任之意欽哉

制曰國家推恩臣下而必及其室家者所以厚人倫之本也承德郎刑部山東清吏司主事婁良妻韓氏克勤內助茲特封爲安人祇服榮恩永光閨闈欽哉景泰元年三月初四日

勅曰朝廷設監察御史欲其正紀綱而勵風俗以弼成國家之治厥任匪輕爾陝西道監察御史賈恪發身賢科擢居斯職歷年旣久克舉其官茲特授爾文林郎錫之勅命以示褒嘉夫官以察爲名以言爲職在明大體而畧細故在愛君子而戒小人其益端爾志益堅爾守毋私於法毋撓於勢毋訐以爲直毋苛以爲能明以燭之

公以行之懋修不懈尚有顯秩以待爾成欽哉

勅曰夫婦人之大倫故朝廷推恩羣臣命必及之陝西道
監察御史賈恪妻鄭氏克相其夫茲特封爲孺人祇服
榮恩永光閨闈景泰二年四月日

勅曰布政司右方伯之任環數千里之地其間民生之休
戚吏治之得失皆係焉必得其人庶幾興理爾山東布
政司右叅議賈恪發身賢科擢任行人迨遷御史復佐
名藩歷歲滋多咸舉厥職是用進爾階朝議大夫錫之
誥命以示褒榮於乎朕方明賞勸以正庶官之治爾其
益懋乃績以副任使之重欽哉天順八年七月日

勅曰國家推恩臣下而必及其親者所以重本而勸孝也而何間於存沒哉江西布政司經歷司經歷時傑故父統慶鍾厥子而祿養不逮揆其所自宜有顯褒特贈爲儒林郎江西布政司經歷司經歷靈其不昧尚克歆承勅曰朕於任職之臣必褒榮其親者所以重源本也爾劉氏乃江西布政司經歷司經歷時傑之母有子效用勤於職業由是善訓所致特封爲太安人服此隆恩永綏福祿成化六年六月十九日

勅曰國家設布政以圖化理長貳重職固在精選至於幕職亦必得人乃克有濟爾江西布政司經歷司經歷時

傑發身胄監擢任斯職歷年茲久考績維稱是用授
階儒林郎錫之勅命以爲爾榮其益盡心毋怠厥
哉

勅曰夫婦人倫之始故朝廷推恩臣下命必及之豈以存
沒而有間乎江西布政司經歷司經歷時傑故妻夏氏
克相其夫而乃早沒茲特贈爲安人九原有知服此榮
命

勅曰國家推恩必及其室家者所以厚恩意也江西布政
司經歷司經歷時傑繼室韓氏克勤內助特封爲安人
服此隆恩毋怠儆戒成化六年六月十九日

制曰國家推恩臣下必及其親者所以重本而勸孝也亦何間於存沒哉爾張榮乃南城兵馬指揮文之父慶鍾厥子祿養乃先揆其本源宜隆恩典茲特贈爲文林郎兵馬指揮司指揮靈其不昧尚克承之

勅曰朕惟群臣之才者固本於父訓亦必資母德焉存有褒沒有贈此國家之令典也南城兵馬指揮張文之母鄭氏有子能官實繇訓育爰推所自恩典宜加茲特贈爲孺人尚克承之永賁幽壤

勅曰京師天下之都會故置官察視巡邏所以維奸宄佑良善也爾南城兵馬指揮張文發身胄監擢任斯職歷

年旣久克慎且勤是用進爾階林郎錫之勅命以爲
爾榮其益盡心毋怠厥職欽哉

初曰夫婦人倫之始朝廷褒勸臣下而典必及之所以厚
人倫也爾許氏乃南城兵馬指揮張文之妻克勤婦道
以宜厥家茲特封爲孺人服此榮恩永光閨闈成化十
年九月日

制曰國家推恩臣下旣有申命之榮斯於其親亦有加焉
蓋厚倫重本之道也爾總制三邊都察院右副都御史
婁良乃府軍右衛經歷司經歷婁紳之父蒞官勤慎退
克保終訓子成名爲國之用推厥源本恩典宜申今特

錫之誥命進封爲正議大夫資始尹職如故服此隆恩
益綿壽祉

制曰朝廷加恩臣下而必及其父母者所以重本而勸孝
也爾總制三邊都察院右副都御史婁良之妻安人韓
氏乃府軍右衛經歷司經歷婁紳之母婦道旣敦母儀
夙著因夫之貴受封有年今復以子推恩仍從夫秩加
封淑人服此茂恩永綏祿養成化十一年九月初八日
勅曰國家設兵衛以分理軍政其長貳皆以武臣處之至
於幕職亦必得人乃克有濟爾府軍右衛經歷司經歷
婁紳發身胄監擢任今官歷年滋多考績惟稱是用進

爾階徵仕郎錫之勅命以爲爾榮尚其盡心毋怠厥職
欽哉

勅曰夫婦人之大倫故朝廷推恩群臣命必及之爾府軍
右衛經歷司經歷婁紳之妻劉氏克勤婦道以相其夫
故能盡心於所職茲特封爲孺人服此榮恩永光閨閭
成化十一年九月十三日

諭祭總制三邊都察院右副都御史婁良曰惟爾發身賢
科歷官郎署叅大藩而遷方伯殫力旬宣陞都憲而鎮
邊陲悉心揚激方期優樂於暮景胡遽遘疾以淪亡追
念往勞特賜葬祭靈其有知庶克欽服成化二十三年

九月二十一日

制曰國家隆使臣之禮錄教子之功爵賞其身褒封必及其父制實通於今昔義不異於存亡爾沈端乃陝西延安府葭州知州理之父詩禮名家邱樊逸士服勤茹苦志克奮於亢宗錫命推恩功遂成於教子用彰潛德兼勵賢能茲特贈爲奉直大夫陝西延安府葭州知州尚期神爽之昭益彰寵光之賁

曰子之於母孝愛蓋極其深君之於臣禮意必從其厚故生而爲養或有不逮至沒而推恩亦無弗如爾任氏乃陝西延安府葭州知州沈理之母慈孝夙成儉勤兼

至式嚴內行茂著聞儀相夫敦孝義之風教子著賢勞
之績祿養既違於三金褒彰宜賁於九原茲特贈爲宜
人懿靈有知歆承無斁宏治十二年五月日

制曰平陽爲山右鉅郡地廣民庶同知貳厥守長以蒞民
吏厥惟艱哉惟時通才始克簡畀爾平陽府同知劉崇
儒早馳聲於鄉國遂領薦於賢科遺秀南宮秉符西邑
百里敷愷悌之政三載著廉惠之聲書最有徵特遷茲
職乃今勤能佐政寬以愛人監司每嘉獎焉此以元慶
覃恩特進爾階奉政大夫錫之誥命爾其益懋乃官宏
乃業善弼爾牧以康乂我民峻階朕弗靳也欽哉嘉靖

十六年五月初十日

制曰先德之積必於後裔發之國家遡源推恩賁及若考以廣孝也爾劉聰乃山西平陽府同知劉崇儒之父履信處恭惇孝篤友著勤儉爲家政協聞望於鄉評積慶所鍾篤生令子爲朕良牧茂著賢聲爾之遺訓可民哉特贈奉政大夫山西平陽府同知慰英爽於九原服崇儒之五品

制曰家人之有嚴君德均父母矧劬勞撫訓國典允宜褒哉爾陳氏乃山西平陽府同知劉崇儒之母夙稱聖善著令儀匪淑其身曷昌厥子慈齡正茂懿訓允昭特

重寵綸用旌母德茲封爲太宜人旣俾壽康永綏祿養
制曰夫婦人倫之大者厥惟齊體朝廷敷錫臣工恩必及
之昭內助也爾山西平陽府同知劉崇儒妻常氏淑慎
有常柔嘉無議而克相休有令名宜并顯褒以偕老特
封爲宜人茂膺寵澤母怠敬承嘉靖十六年五月初十
日

勅曰士有潛修篤行而齒德俱隆者所司未及上聞闕於
朝典而有子著勞則褒封所宜首被矣爾安林乃原任
湖廣承天府潛江縣知縣安尚禮之父邱園養晦坊表
樹標絕俗古心弗挫冰霜之苦息機上善獨高月旦之

評教聿闡於一經齡已踰乎九袞鳴琴奏績舞綵流驩
用封爾爲文林郎湖廣承天府潛江縣知縣迂芝檢於
自天茂椿庭而永日

勅曰人子志切顯親恩懷鞠我而當躋臚之辰慨然其弗
逮也匪藉國寵曷酬劬勞爾周氏乃原任湖廣承天府
潛江縣知縣安尚禮之母靜貞嗣美儉素持家佩箴訓
於鳴雞可謂曰士褒印才於畫荻儼若嚴師睠茲誦茲
之聲念及栢捲之詠用贈爾爲孺人流彤管而永譽賁
元褒以生輝萬歷三十九年十二月二十五日

勅曰荆襄爲南北孔道號稱衝極而民醇訟簡吏於此者

雖苦輶軒之擾不慮簿書之壅可以無煩批導而坐收
治理亦養望之善地也爾直隸順德府知府王順行冲
襟粹品朗識通才推秀制科襄猷棘寺七年淹平反之
署兩考獲奏最之封譽茂哀矜才徵明允爰採風於輿
論遂簡畀乎專城爾其光擁雙幢榮驅五馬騎竹慰兒
童之望褰帷式來暮之思日鑑高懸吏弊纖毫畢照風
猷獨運民生遐邇同安人興五袴之謠野遍一犁之雨
循績直超漢代賢能已徹楓宸是用覃恩授爾階中憲
大夫錫之誥命夫露冕行阡陌課農桑問民疾苦古循
良之蹟大都爾矣而其要尤在察吏一家哭何如一路

哭此春溫秋肅法天爲政而收化工於一掬也爾其最
哉

制曰自古稱黻佩之詩令人感嗟糟糠勿容下堂已乃貧
賤相依而富貴不相待此其情有可悲者朕特爲下愍
綸焉爾直隸順德府知府王順行妻累贈安人王氏毓
貞清第儷美哲英獨敦提汲之風殊有輓鹿之致丁年
佐餽喜五飯之克精丙夜篝燈慈三餘而有耀儉素表
禋躬之德肅雍洽持柶之風芳齡蚤促於舜華爰躅用
光乎芝檢是用覃恩贈爾爲恭人尚期未泯之懿靈歆
此渚加之寵命

制曰良牧能於治郡賢媛善於持梱然必持梱得人而後
治郡得理被其相成之誼重則從貴之典所宜亟申也
爾直隸順德府知府王順行繼妻累封安人張氏以閨
房之秀作髦士之速供蘋藻以惟虔叶珩璜而中度
帷贊業激壯志於青雲熊軾從官勵循聲於紫氣景
徽而母亦推愛惠側室而子有同仁堪偕白首之歡其
雅齊眉之寵是用覃恩封爾爲恭人膺茲象服之茲茲
乃燕私之儆天啟二年三月日

制曰世不貴高年大爵而貴有德德誠裕則高年大爵有
餘樂有餘榮故朕追遡其致亦有餘美矣爾封文林郎

繼贈儒林郎大理寺右寺副王希樂乃直隸順德府知府順行之父儒雖未成士則同重恂恂雅飭擅美譽於英年郁郁禮文光賔筵於大耋乃若里閭依爲緩急鄉曲視爲楷模賑窮有慷慨之風排難標豪傑之致蓋隱德高一世遂能徼其譽於人謙光勵終身猶可留其餘於後瞻褰帷之哲嗣嘉貽穀於嚴君是用覃恩贈爾階中憲大夫直隸順德府知府皇恩錫寵於絲綸睿藻賁光於松檟

制曰人子之孝出於天性豈待感慈烏而後動反哺之念哉矧以聖善穀子成名食祿二千石而不及列鼎萱幃

宜何如抱痛於罔極也爾累贈安人婁氏乃順德府知府王順行之母華字毓秀名聞儷英宜家性具慈明相室儀稱靜正家饒中產撐支歷盡千辛子已長成訓迪每勞百苦舊業頓興於拮据紹庭遂奮於科名聽循吏之蜚聲知慈謨之有效是用覃恩贈爾爲恭人賁輝煌之綸綍釋痛悼於栢椿天啟二年三月日

制曰裕祚貽謀捧日遡扶桑之始蒙泉毓哲稽天本星宿之源疏三廟以流鴻開百年之容駟榮頒時錫慶侈作求爾王寶乃陝西按察司按察使順行之祖父至德惟陰上善若水早能自立爰寄跡於功曹長益好施時解

紛夫族黨粉社推爲祭酒鯉庭喜可傳經預卜留硯之
祥籀經式穀遂起升卿之貴高大而門萬石天荒基實
開於烈祖三槐日茂暮猶愴於聞孫是介覃恩贈爲通
議大夫陝西按察司按察使馬鬣鬼哉令聞昭垂於奕
葉龍章炳爍崇階表暎於千秋

制曰家禎起於再世臺臬褒及重闡祥發抱孫惟王母受
茲介福爵異從祖惟國恩闡彼幽光洊捧芝函用綏片
斛爾氏乃陝西按察司按察使王順行之祖母天資
淑慎性稟柔嘉拮据佐君子鴻賓盥縱奉孀嫜燕喜解
珮環而褒義舉匪徒星旦之勤潔膳膳而羨宜家寧獨

嘉賓之貺至勤翼燕尤篤掌珠以和膽爲含飴受書可
夜以耳提課繞膝鳴杼丁年方看玉樹之成遽作瑤池
之夢雖報劉之日短幸及妣於天申是用贈爾爲淑人
被樸質以旋題鴻恩正衍煥花城於幽室慈澤逾鮮

制曰惟天祐善惟帝賚功祐善者鳴其陰有與槐俱萌之
契賚功者推其自開有芑翼子之心理挹注以相成慶
綿延而未艾爾王希樂乃陝西按察司按察使順行之
父含華隱曜守樸修嫖騶虞有自然之仁總依慈孝棹
楔題通德之里特表風徽義重而財爲輕身恬而道自
廣留餘性地爰開臺憲之猷種德心田屢式賓筵之典

萍尊何忝世德可求肆躬荷夫笏袍仍馳榮於禰祖是用覃敘加贈爾爲通議大夫陝西按察司按察使履其庭者仰止寵賁芝函過其隧者興思名章華表

日蘭臺秉憲方肩風紀之司萱閣承歡空逗春暉之願徵母之賢以子而食子之報在天重閔坤貞爰申異命爾累贈恭人婁氏乃陝西按察司按察使王順行之母終溫且惠灑嚴爲慈饋祀吉蠲遵緯跣未蓐之采布荆操作有縞衣茹蘆之風閨範見稱於族姁母儀尤著於鄉鄰楚迨象賢之蔚起方釋褐以言歸纔迓斑綵之歡已

陳瑞池之駕鹿蔥易悴熊膽猶辛是用贈爾爲淑人金

精進來舞龍玉以成珠瑤珞珊然尚捫參而歷井

聖曰全養爲周漢上都金湯百二臬臣持政刑專棟綱紀
十連爰肅臺稜深谷鼎柱屬廉能之獨最表望實於覃
褒爾陝西按察司按察使王順行德器淵閎才鋒嶽峙
擢自軒對以綰延平聽棘具仰神羊專城兩推畫隼備
兵莊浪移節涼州以文武爲憲之身著競練咸宜之畧
捷音回奏半壁孤撐爰總憲於外臺稱樹標於廉訪六
條察屬燭流品於鸞鷟五聽占孚洞情形於嘉肺方且
星虛貫索春轉平反輦三輔之黃圖嚴四知於紫橐風
猷旣偉歲閱來聞是用覃恩授爾階通議大夫錫之誥

命頃以輯端計吏察舉尤異加宴賞焉而爾哀然首當
妙簡朕甚嘉之夫周召分陝則二南用其風徽皇呂祥
刑則五教資以明弼爾在秦旣久觀察有聲益懋激揚
之勲行有鎖鑰之寄欽哉

制曰國家寄糾廉於外臬惟賴碩臣大夫追贊助於中閨
尤資元配爰䟽一齊之義畀偕三錫之榮遺玦疑溫絕
瑟可韻爾陝西按察司按察使王順行妻贈恭人王氏
肅雝有度淑慝無違滃滃惟虔燕爾輒勤色養翺翔相
許雁弋聿儆藏脩爾夫弱冠蜚聲已歌蘋鹿而爾素心
操作彌惕絲羔鸞鳳中分風雲不待望方隆於風紀念

豈替夫糟糠茲嘉贈爾爲淑人寵賁翟珈冷杼回春於
吳數恩濡馬鬣覃綸表範於同心

制曰采蘋之詩先甘棠殷雷之詩次羔羊蓋盛湘鎡金之
人有齊原非無助而節儉正直之德退食雅有相規匪
有嗣徽疇成雋閱爾陝西按察司按察使王順行繼妻
張氏坤裳襲吉歸袂維良聚順承歡蘭陔聿采紉絲曳
綈芸案相莊樛木緣以多陰鳴鳩推其如結德能配德
譬左珪而右璋儀以無儀曰子黻而我珮聲華高乎槐
臬儆戒篤於蕙闥茲用封爾爲淑人錦帔明霞暎魚軒
而五色芝泥湛露裛睢化於二南崇正元年月日

勅曰夫求治不需循良是理疾不以藥石也今天下萑苻
爲雪蹂躪可傷如燎未撲滅求其宣德義民以救寧下
土者其在良有司乎爾山西太原府陽曲縣知縣李雲
鴻金鎔器識犀利才情昔令介休罔敢有數再尹陽曲
庶幾克修甘澍四封增潤於德水和風數載敷化於甘
棠且弭盜之多方而禦寇之有備茲用授爾階爲文林
郎錫之勅命爾其益勵初心勉圖後効一琴一鶴務追
古人之風尤勗保障以爲陰雨之膏庶不負於民牧予
嘉賁汝

勅曰化被南國樂只君子所繇興歌則母儀一邑者小民

有攸賴焉爾山西太原府陽曲縣知縣李雲鴻妻任氏
幼讀內則夙嫺閭規親於蠶繅麻枲不懈相厥祀事籩
豆用勤有雞鳴之養有雉馴之效茲用封爾爲孺人恪
承副禕之恩益懋中饋之助崇正八年四月日

制曰朕惟任賢使能崇功尚德乃國家之大典乘機遣會
達變通權誠明哲之芳踪茲爾劉進忠爾原籍河南同
鄭四維自荊州來降一隻虎兵兩次來犯荊州時爾守
城擊賊又敗賊一處故授爾爲拖沙喇哈番准襲一輩
係外所千戶附於河南宣武衛左所順治十年五月十
五日

制曰恩彰下逮勉篤棐於羣寮家有貽謀本恩勤於大父
用邇源流之自爰推綸綍之榮吳堯卿乃廣東廣州水
師左協叅將管副將事吳文獻之祖父植德不替佑啟
後人綿及乃孫丕彰鴻緒休貽大父聿觀世澤茲以覃
恩贈爾爲昭勇將軍廣東廣州水師左協叅將管副將
事錫之誥命於戲垂裕孫謀以沐優渥之典崇褒祖德
用邀錫類之仁貽厥奕祚賁此新綸

制曰一代褒功勤酬示後再世承恩崇獎及先績旣懋於
公家寵宜追於王母爾廣東廣州水師左協叅將管副
將事吳文獻祖母安氏爾有慈謀裕及後昆念茲稱職

端由壺教爰錫褒儀之貴用昭種德之勤茲覃恩贈爾
爲淑人於戲邇其家法愛勞旣殫先圖賁乃國章昌融
益開來緒永期丕贊用席隆庥順治十四年三月初十
日

制曰揚名顯親爲子者願以令德歸之父考績褒賢教孝
者宜以高爵作之忠是用推恩特申休命爾吳燦乃廣
東廣州水師左協叅將管副將事吳文獻之父義方有
訓式穀無慙念爾嗣之勤勞旣克家而報國俾爾澤之
昌大爰錫類以昭仁茲以覃恩贈爾爲昭勇將軍廣東
廣州水師左協叅將管副將事錫之誥命於戲教誨爾

子永無忝於家聲聿修厥德尚無負於國恩欽承寵命
慰爾幽靈

制曰國體勞臣必遡源而沛澤家崇哲印爰歸善於厥生
盛典維新壺儀愈著爾廣東廣州水師左協叅將管副
將事吳文獻母厲氏幃範克端胎教居身教之先慈訓
惟勤能愛在能勞之後宜沛貤封用昭母德茲以覃恩
贈爾爲淑人於戲子情罔極感顧復而敦孝國綸普被
念劬勞以疏榮嘉乃恩勤褒其遺範順治十四年三月
初十日

制曰褒忠表義昭代之良規崇德報功聖王之令典特頒

恩命以獎勤勞爾廣東廣州水師左協叅將管副將事
吳文獻起身行伍克自振拔授以叅將無忝厥職服勤
戎務訓練有方恪慎小心勞績素著式逢慶典宜錫寵
章茲以覃恩特授爾階昭勇將軍錫之誥命於戲恩推
目近乃宏獎夫崇階業廣惟勤尚克承夫寵錫欽予時
命勵爾嘉猷

制曰夙夜維勤人臣寧遑內顧伉儷無忝國常豈靳隆施
錫章服以酬勛念壺儀之媲美爾廣東廣州水師左協
署叅將管副將事吳文獻妻童氏克勤內德宜爾室家
眷良臣靖共之猷賴淑女匡勅之助爰褒令範式沛新

綸茲以覃恩封爾爲淑人於戲敬爾有官肅閨門而合
好職思其內尚黽勉以同心祇服殊恩用昭壺德順治
十四年三月初十日

制曰恩彰下逮勉篤棐於群寮家有貽謀本恩勤於大父
用溯源流之自爰推綸綍之榮爾董樂吾乃署都督僉
事管湖廣隨征右路副將左營遊擊事董自明之祖父
植德不替佑啟後人綿及乃孫丕彰鴻緒休貽大父聿
觀世澤茲以覃恩贈爾爲驃騎將軍署都督僉事管湖
廣隨征右路副將左營遊擊事錫之誥命於戲垂裕孫
謀已沐優渥之典崇褒祖德用邀錫類之仁貽厥奕世

佩此新綸

制曰一代褒功勸酬示後再世承恩崇獎及先績旣懋於公家寵宜追於王母爾署都督僉事管湖廣隨征右路副將左營遊擊事董自明祖母張氏爾有慈謀裕及後昆念茲稱職端由壺教爰錫哀儀之貴用昭植德之勤茲以覃恩贈爾爲夫人於戲邇其家法愛勞旣殫先圖賁乃國章昌融益開來緒永期丕贊用席隆休康熙二十年十二月二十四日

制曰揚名顯親爲子者願以令德歸之父考績褒賢教孝者宜以高爵作之忠是用推恩特申休命爾董顯忠乃

署都督僉事管湖廣隨征右路副將左營遊擊事董白
明之父義方有訓式穀無慚念爾嗣之勤勞旣克家而
報國俾爾澤之昌大爰錫類以昭仁茲以覃恩贈爾爲
驃騎將軍署都督僉事管湖廣隨征右路副將左營遊
擊事錫之誥命於戲教誨爾子永勿忝於家聲聿修厥
德尚無負於國恩欽承寵命慰爾幽靈

制曰國體勞臣必溯源而沛澤家崇詰母爰歸善於厥生
盛典維新壺儀愈著爾署都督僉事管湖廣隨征右路
副將左營遊擊事董白明母張氏幃範克端胎教居身
教之先慈訓惟勤能愛在能勞之後宜沛勲封用昭母

德茲以覃恩贈爾爲夫人於戲子情罔極感顧復而敦
孝國綸普被念劬勞以疏榮嘉乃恩勤褒其遺範康熙
二十年十二月二十四日

制曰褒忠表義昭代之良規崇德報功聖主之令典特頒
恩命以獎勤勞爾署都督僉事管湖廣隨征右路副將
左營遊擊事董自明起身行伍克自振拔授以署都督
僉事無忝厥職服勤戎務訓練有方恪慎小心勞績素
著欣茲慶典之逢宜沛恩綸之寵爰頒新命以示褒嘉
茲以覃恩特授爾階驃騎將軍錫之誥命於戲恩推自
近乃弘獎夫崇階業廣惟勤尚克承夫寵錫欽子時命

勸爾嘉猷

制曰夙夜維勤人臣寧遑內顧伉儷無忝國常豈靳隆施
錫章服以酬勛念壺儀之媲美爾署都督僉事管湖廣
隨征右路副將左營遊擊事董自明妻陳氏克勤內德
宜爾室家眷良臣靖共之猷賴淑女匡襄之助爰褒令
範式沛新綸茲以覃恩封爾爲夫人於戲敬爾有官肅
閨門而合好職思其內尚黽勉以同心祇服殊恩用昭
壺德康熙二十年十二月二十四日

制曰策勲疆圉遡大父之恩勤錫賚絲綸表皇朝之濡澤
爾陳書乃遊擊管江西撫標右營遊擊事陳化龍之祖

父敬以持躬忠以啟後威宣閭外家傳韜畧之書澤沛
天邊國有所常之典茲以覃恩贈爾爲懷遠將軍遊擊
管江西撫標右營遊擊事錫之誥命於戲我武維揚特
起孫枝之秀賞延於世益徵遺緒之長

制曰樹豐功於行陣業著聞孫錫介福于庭幃恩推大母
爾遊擊管江西撫標右營遊擊事陳化龍之祖母王氏
壺儀足式令問攸昭振劍佩之家聲輝流奕世播絲綸
之國典慶衍再傳茲以覃恩贈爾爲淑人於戲翟芾用
光膺宏休於天府龍章載煥錫大惠於重泉康熙二十
三年九月二十四日

制曰寵綏國爵式嘉閎閱之勞蔚起門風用表庭幃之訓
爾陳可進乃遊擊管江西撫標右營遊擊事陳化龍之
父義方啟後穀似光前積善在躬樹良型于弓冶克家
有子拓令緒于韜鈴茲以覃恩封爾爲懷遠將軍遊擊
管江西撫標右營遊擊事錫之誥命於戲錫策府之徽
章洵承恩澤荷天家之休命永賁泉壚

制曰怙恃同恩人子勤思於將母赴桓著績王朝錫類以
榮親爾遊擊管江西撫標右營遊擊事陳化龍之母張
氏七訓嫺明三遷勤篤令儀不忒蚤流珩璫之聲慈教
有成果見于城之器茲以覃恩贈爾爲淑人於戲錫龍

綸而煥采用咎鉤勞被象服以承休永光泉壤康寧

廿三年九月二十四日

初日國重于城特宣褒揚之典功高營衛式膺殊渥之寵
敷沛榮綸用嘉懋績爾遊擊管江西撫標右營遊擊事
陳化龍英猷克矢之力維宜撫卹師徒廣仁風于懷
勞軍旅鼓壯氣于同袍聞惠攸頒徽章宜錫茲以
特授爾階懷遠將軍錫之誥命於戲幕府疏勲
承夫寵澤巖廊行惠受誥畀以殊恩祇受崇褒益

勲
以蒙府疏勲甄武臣之成績寢門治業闡賢助之

選擊管江西撫標右營選擊事陳化龍之妻韓氏
名聞作如石族類廣采藻風彩宜室之風說禮致祥
與親同心之雅茲以軍恩特封爾為淑人錫寵宜於
國恩常流荷嘉獎於絲綸芳聲永仰康熙二十三年
九月二十四日

寵授國尉式嘉伐閱之勞蔣起門風用表庭闈之
游新命乃署守備管直隸大名協標中軍守備事
題之少義方敬後穀似光前積善在躬樹良型於
克家有子拓台緒於經綸茲以軍恩贈爾為明威
衛管直隸大名協標中軍守備事錫之

錫策府之徽章洵承恩澤荷天家之休命永膺泉壤
由怡持同恩人子勤思於將母赴桓著績王朝錫類以
聚親爾署守備管直隸大名協標中軍守備事游廷魁
聯其七該嫺明三遷勤篤令儀不忒早流珩璫之聲
聯歎有成果見于城之器茲以覃恩贈爾爲恭人於戲
聯龍綸而煥采用答劬勞被象服以承休永光泉壤康
二十三年九月二十四日

國威覃布尚勤聲鼓之思武備勤修允重于城之選
署守備營直隸大名協標中軍守備事游廷魁材勇
聯國聯鈴嫺習戎行振飭具知士伍無譁軍政修明因

聖朝有素欣逢慶典宜煥溫綸茲以覃恩特授爾階
勳將軍錫之詔命於歲策幕府之勲名祇承休命荷
榮榮之光寵勿替戒勞

府疏勲甄武臣之茂績寢聞治業闡賢助之徽音

管直隸大名功勳標中軍守備事游廷魁妻章氏

名蘭作嬪右族顯蘋采藻夙彰宣室之風說禮敦

同心之雅茲以覃恩贈爾為恭入於歲錫寵章

恩問常流荷與於絲綸此

獎勳之禮恩流

獎勳之禮恩流

鄭氏姆教素嫺婦功克備祖言雍肅庇內外以同心體
軍修明素後先而媲美茲以覃恩封爾爲恭人於戲表
宜家之有則寵命均頒嘉繼室之能賢休光永荷康熙
二十三年九月二十四日

祭故福建水師右路總兵官左都督杜永和之靈曰鞠
躬盡瘁臣子之芳踪卹死報勤國家之盛典爾杜永和
性行純良才能稱職方冀遐齡忽焉長逝朕用悼焉特
頒祭葬以慰幽魂嗚呼寵錫重壚庶享匪躬之報名垂
信史聿昭不朽之榮爾如有知尚克歆享康熙二十三
年九月二十四日

制曰寵綏國爵式嘉闕閼之勞蔚起門風用表庭闈之訓
爾王謝玉乃署守備管廣東肇慶城守右營守備王琦
之父義方啟後穀似光前積善在躬樹良型於弓冶克
家有子拓令緒於韜鈴茲以覃恩贈爾爲明威將軍署
守備管廣東肇慶城守右營守備事錫之誥命於戲錫
策府之徽章淳承恩澤荷天家之休命永賁泉壚

制曰怙恃同恩人子勤思於將母赴桓著績王朝錫類以
榮親爾署守備管廣東肇慶城守右營守備事王琦母
康氏七誡嫻明三遷勤篤令儀不忒早流珩璫之聲慈
教有成果見千城之器茲以覃恩贈爾爲恭人於戲

龍綸而煥采用答劬勞被象服以承休永光泉壤康
二十三年九月二十四日

制曰國威覃布尚勤輦鼓之思武備勤修允重干城之選
爾署守備管廣東肇慶城守右營守備事王琦材勇著
聞韜鈴嫻習戎行振飭具知士伍無譁軍政修明因見
拊循有素欣逢慶典宜煥溫綸茲以覃恩特贈爾階明
威將軍錫之誥命於戲策幕府之勲名祇承休命荷天
家之光寵勿替成勞

制曰策府䟽勲甄武臣之茂績寢門治業闡賢助之徽音
爾署守備管廣東肇慶城守右營守備事王琦妻杜氏

毓質名閨作賓右族擷蘋采藻夙彰宜室之風說禮敦
詩具見同心之雅茲以覃恩封爾爲恭人於戲錫寵章
於閨闈惠問常流荷嘉獎於絲綸芳聲永邵康熙二十
三年九月二十四日

制曰策勲疆圉遡大父之恩勤錫賚絲綸表皇朝之霈澤
爾董明佐乃署叅將管山東東昌城守營都司僉書事
董在各之祖父敬以持躬忠能啓後威宣閭外家傳韜
畧之書澤沛天邊國有旂常之典茲以覃恩贈爾爲懷
遠將軍署叅將管山東東昌城守營都司僉書事錫之
命於戲我武維揚特起孫枝之秀賞延於世益徵遺

緒之長

制曰樹豐功於行陣業著聞孫錫介福於庭闈恩推大母
爾署叅將管山東東昌城守營都司僉書事董在各祖
母李氏壺儀足式令問攸昭振劍佩之家聲輝流奕世
播絲綸之國典慶衍再傳茲以覃恩贈爾爲淑人於戲
翟弗用光膺宏休於天闕龍章載煥錫大惠於重泉康
熙三十六年七月十九日

制曰寵綏國爵式嘉伐閱之勞蔚起門風用表庭闈之訓
爾董克誠乃署叅將管山東東昌城守營都司僉書事
董在各之父義方啟後穀似光前積善在躬樹良型於

弓冶克家有子拓令緒於韜鈴茲以覃恩贈爾爲懷遠
將軍管山東東昌城守營都司僉書事錫之誥命於戲
錫策府之徽章洵承恩澤荷天家之休命永賁泉壚

制曰怙恃同恩人子勤思於將母赴桓著績王朝錫類以
榮親爾署叅將管山東東昌城守營都司僉書事董在
各母李氏七誠嫻明三遷勤篤令儀不忒早流珩璫之
聲慈教有成果見干城之器茲以覃恩贈爾爲淑人於
戲錫龍綸而煥采用答劬勞被象服以承休永光泉壤
康熙三十六年七月十九日

制曰武功赫濯固資專閫之臣軍政修明尤賴圖志之佐

司僉重伐閱斯存爾署叅將管山東東昌城守營都
司僉書事董在各輪力行間留心戎務居官勤練領卒
伍以分猷當局精能課糗糧而報績爰敷慶典特獎成
勞茲以覃恩特授爾階懷遠將軍錫之誥命於戲敬爾
在公益著干城之望欽予時命式膺車服之榮祇佩寵
章勤宣後効

制曰策府疏勲甄武臣之茂績寢門治業闡賢助之徽音
爾署叅將管山東東昌城守營都司僉書事董在各妻
白氏毓質名閨作嬪右族擷蘋採藻夙彰宜室之風說
禮敦詩具見同心之雅茲以覃恩封爾爲淑人於戲錫

寵章於閨闈惠問常流荷嘉獎於絲綸芳聲永劭康熙
三十六年七月十九日

制曰誼篤靖共入官必資於敬功歸誨迪能仕而教之忠
爰沛國恩用揚庭訓爾司屏翰乃刑部四川清吏司員
外郎司百職之父躬脩士行代啓儒風抱璞自珍克毓
珪璋之秀析薪能荷彌彰杞梓之良茲以覃恩贈爾爲
奉直大夫刑部四川清吏司員外郎錫之誥命於戲貽
令問於經範義方久著佩徽章於策府禮秩加優茂典
丕承湛恩永荷

制曰貽惠問於後昆家聲昌熾錫休稱於前母國典崇罔

爾刑部四川清吏司員外郎司百職前母趙氏早標淑
範久著徽音琴瑟依然賢媛夙昭其靜好梧捲如在令
儀猶想其風規茲以覃恩贈爾爲宜人於戲煒彤管以
流輝芳型足法降紫泥而布澤潛德用光

制曰移孝作忠懋簡勞臣之績推恩錫類式揚賢母之名
載賁榮綸用宣懿範爾刑部四川清吏司員外郎司百
職母靳氏早嫺典則夙著規型敬以從夫宜室聿徵其
順德勤於訓子備官一本於慈祥茲以覃恩贈爾爲宜
人於戲荷彩翟之天章徽音益暢披彤毫之仙藻惠問
常流祇服寵光永綏福履康熙三十六年七月十九日

制曰佐理法曹務體好生之德分司比部期襄弼教之風
爾刑部四川清吏司員外郎司百職惠和秉性格慎居
官輕重均調凜一成不變之志慈嚴互濟循三又後刑
之規茲以覃恩特授爾階奉直大夫錫之誥命於戲式
虞廷之欽恤庸渙寵於絲綸師漢室之寬平允揚休於
車服

制曰臣心恪慎著懋績於周行婦職修明樹今儀於中閭
爰頒慶典俾荷榮褒爾刑部四川清吏司員外郎司百
職妻馬氏茂族含芳名門作儷素風自矢克敦圖史之
型箔節相規無改編纂之度茲以覃恩贈爾爲宜人於

戲表從夫之大義翟第承恩沛逮下之深仁魚軒被寵
祇承休命永播幽貞

制曰匡贊賴乎嘉猷特褒臣節疏榮及乎繼室咸沐恩光
爾刑部四川清吏司員外郎司百職繼妻李氏幼嫻內
則少習壺儀慶卜鳳凰叶和鳴於初吉聲調瑟瑟傳靜
好於同心茲以覃恩贈爾爲宜人於戲應地含貞允肇
前徽而罔替從天沛澤永傳令譽於來茲康熙三十六
年七月十九日

制曰德厚流光溯源淵之自始功多延賞錫褒寵以攸宜
應沛殊施用揚前烈爾馬義傑乃三等侍衛馬漢之祖

父惇資醇茂行誼恪純啟門祚之繁昌華簪衍慶廊韜
鈴之緒業奕葉揚休鉅典式逢崇階宜陟茲以覃恩贈
爾爲奉政大夫三等侍衛錫之誥命於戲三世聲華實
人倫之盛事五章服采洵天室之隆恩顯命其承令名
永著

制曰天朝行慶必推本於前徽家世貽謀遂承休於再世
葵章宜錫寵命載揚爾三等侍衛馬漢之祖母錢氏壺
範示型母儀著媿惠風肆好旣比德於珩璜餘慶綿延
自邀恩於翟茀特頒渥典用表芳規茲以覃恩贈爾爲
宜人於戲綏帶輕裘挺孫枝之材武高文典冊馳大母

之顯榮祇服寵綬永昭良軌雍正元年十二月二十三

日

制曰秩分介胄克抒報國之忱教始庭闈誕啟析薪之祚
爾馬毓德乃三等侍衛馬漢之父禔躬篤行訓子義方
燕翼維勤殫深心於韜畧象賢能繼郭大業於弓裘茲
以覃恩封爾爲奉政大夫三等侍衛錫之誥命於戲思
光上逮式膺殊渥之施惠澤下流用慰顯揚之志

制曰家法嚴明獎教忠之舊德壺儀純備嘉徙宅之前勞
爾三等侍衛馬漢母陶氏早習規箴夙嫻訓典相夫以
禮式彰聚敬之風教子有成茂展策勲之志茲以覃恩

贈爾爲宜人於戲錫翟芾以揚徽休聲益播貢鸞函而
煥采茂祉永綏雍正元年十二月二十三日

制曰丹青沛澤用宏錫類之仁紫詔延恩彌著貽謀之善
爾于之水乃四川提標前營中軍守備于氏牧之祖父
端謹禔躬恪勤裕後啟休聲於奕葉詩授兔罝樹嘉績
于再傳書承豹畧茲以覃恩勲贈爾爲武德將軍錫之
誥命於戲衍家門之餘慶欣被殊榮懋閱閱之宏猷永
膺茂典

制曰播榮施於百職積慶有由遯淑善於重閨延恩罔替
爾四川提標前營中軍守備于氏牧祖母馬氏禮嫺內

則慶裕後昆德表珩璜素著庭闈之範光宣綸綍實鍾
家世之祥茲以覃恩貤贈爾爲宜人於戲揚彤管之芳
徽彌彰令譽尚紫泥之新寵承戴宏恩雍正十三年九
月初三日

制曰寵綬國爵式嘉闕閱之勞蔚起門風用表庭闈之訓
爾于溥乃四川提標前營中軍守備于氏牧之父義方
啟後穀似光前積善在躬樹良型於弓冶克家有子拓
令緒於韜鈴茲以覃恩贈爾爲武德將軍錫之誥命於
戲錫策府之徽章洵承恩澤荷天家之休命永賁泉壚
制曰怙恃同恩人子勤思於將母尅桓著績王朝錫類以

榮親爾四川提標前營中軍守備于氏牧之母閭氏七
誠嫺明三遷勤篤令儀不忒早流珩璫之聲慈教有成
果見干城之器茲以覃恩贈爾爲淑人於戲錫龍綸而
煥彩用答劬勞被象服以承休輝流泉壤雍正十三年
九月初三日

制曰任使需才稱職志在官之美馳驅奏效報功膺錫類
之仁爾劉又寬乃河南汝寧府正陽縣教諭劉鐸之父
雅尚素風長迎喜氣弓冶克勤於庭訓箕裘丕裕夫家
聲茲以覃恩贈爾爲修職郎河南汝寧府正陽縣教諭
錫之勅命於戲肇顯揚之盛事國典非私酬燕翼之深

情臣心彌勵

制曰奉職無愆懋著勤勞之績致身有自宜酬鞠育之恩
爾河南汝寧府正陽縣教諭劉鐸之母潘氏淑範宜家
令儀昌後早相夫而教子俾移孝以作忠茲以覃恩
贈爾爲八品孺人於戲賁象服之端嚴誕膺鉅典錫寵
章之渙汗永播徽音雍正十三年九月初三日

署通許縣事洛陽丞顧公政蹟序 國朝王圻邑人

康熙乙卯余得友華亭張子蒼舒相與把酒上下古今嘗謂余曰吾鄉峰泖鍾秀多產奇人前代不具論近如吾友顧谿翁爲人慷慨慕大節工古文詞蘊藉騷雅浸浸乎與魏晉爭席每論豪雋奇偉之士至有遇有不遇輒拊几歎曰今士之策名通籍者往往無所建明僕若就一官必效古循良之所爲余聞而心識之歲辛未公除洛陽丞明年通許缺令公來攝事甫兩月而訟息蠹屏閭閻無追呼之聲學宮垣宇重葺維新鰥寡孤獨廢疾者皆得贍養庭事

主武南華亭人

趙子金當其手攜曰蒼待計吸人由公義昌各起發餘資

于之與趙余曰歸公之如歸歸其與歸收此數日耳

諸是公因國文乃之天對百鼓楚本尚賢計以不倫順

之之保而歸奉歸蕭趙不事將民重外保更代與兄林身

之之保而歸奉歸蕭趙不事將民重外保更代與兄林身

之之保而歸奉歸蕭趙不事將民重外保更代與兄林身

之之保而歸奉歸蕭趙不事將民重外保更代與兄林身

誌銘

贈尚書員外郎王公墓志銘

宋 歐陽修

王氏世家開封陳留之通許鎮咸平中分通許爲咸平縣
故王氏今爲開封咸平人公諱代恕曾祖諱丕祖諱祚父
諱銳世以貲雄里中不樂仕宦而好施與有以賙人之急
及公而貲益衰乃嘆曰吾聞施於爲政其利可以賙天下
貲安足道哉乃慨然以孔氏尚書舉於有司累不中因就
他選曰可以爲政何擇焉初仕萊州萊陽主簿會令解去
公署令事告其民曰今欲爲法簡而利民博者當何爲去
其甚惡可也乃縛故吏唐權條其宿惡上於州杖其脊而

遣之縣之姦豪皆斂色屏氣指權相戒不可犯公法公曰
使我爲令期年不獨善人不懼惡人可使惡人爲善人也
已而河決東平公部縣丁夫數千召權署隊長權喜曰公
許我自新矣卒以丁夫治河爲諸縣最歷婺州蘭溪衛陳
州項城主簿會歲旱蝗州守風吏按田者言旱不爲災公
與守爭至三四民得復乃已改潁州司法叅軍州民藥氏
爲盜會赦出入里間操弓矢爲民害有朱氏者募客二人
謀殺之法當死公曰爲法所以輔善而禁惡也今殺良民
爲惡盜報讐豈法意邪乃狀聞朱氏得減死改華州司法
遷蘇州之吳江江寧之句容二縣令遂老於京師以其年

月日卒於家享年六十有九公好學善書喜賓客務賙人
緩急而爲性寬靜沉默左右丞史有不如意未嘗笞責諸
子問之則曰刑法豈爲喜怒設邪公初娶趙氏永安郡太
君後娶李氏陳留郡大君子男十人二早卒女二一卒於
家一適李氏慶歷四年九月庚申葬於開封尉氏蔣成鄉
栢子原之新塋於其葬也長子拱璧右侍禁次拱之左班
殿直拱禮衛州獲嘉縣令拱安右班殿直拱巳守將作監
主簿拱式尉氏縣尉拱辰右諫議大夫權御史中丞拱著
歙州司戶叅軍以中丞之貴累贈尚書兵部員外郎將葬
中丞君泣而語其伯仲曰吾家通許世有陰德於人而無

興者至吾先君不有於其躬而以貽後世小子不佞幸得
備員御史府進退大夫之後小子何有焉然懼乎後世徒
見王氏之興而不知吾世積漸之所以來者若此其可無
銘乃來求銘銘曰公世以貲施德於人至公貲衰乃施於
官有子之一足大公門矧公多子多子多孫惟彼世德如
流有源其來者遠愈積愈蕃銘昭其昧以永厥存

直大夫趙君墓碣銘

元好問

予同年趙君仕不近名隱不違俗藹然有古人之
風故嘗求其淵源得汴人之賢者四人焉曰王礪逸賓王
世賞彥功游總宗之學易高先生仲震逸賓彥功宗之俱
以德行才能薦於朝逸賓鹿邑簿就請致仕彥功以親老
調鞏縣教官宗之讓不受三人者趣鄉不同而時人皆以
高士目之高出於世家而能以清介自守死心於六藝之
學隱居嵩山二十年人望之以爲神仙蓋逸賓則君之所
師尊而高則其交久而敬者也惟汴梁聖賢所宅典章法
度之所在流風善政之所從出熏醲涵浸作成人物之日

久矣雖其細民溺於宣政侈靡之習而不能反至於學士大夫懷先王之澤而不爲風俗之所奪移者故未絕也語有之魯無君子者斯焉取斯殆君之謂歟君諱端卿字正之其先浙人遠祖以商販留東京因而家焉嘗仕漢鐵騎營指揮使與宋宣祖有里巷之舊及太祖取柴氏有旨訪求隱居不爲出故終宋之世爲民家其居通許以教讀爲業者君之曾大父諱弼者也大父諱昱父諱渥居通許縣四世矣君幼孤養於叔父澤資簡重薄於世味少日父教以科舉之業而於經學有所得雖有聲場屋間非其好也興定五年春省試魁多士遂登乙科釋褐徵仕郎守解州

黃邑丞卽閉戶無事子弟以孝弟忠信
爲根本身自表率使知縣從事章句而已辟與
遂行宮路有知君之賢欲以一縣相屈者君爲書以絕之
正大初修宣宗實錄奏君爲編修官召至史館力辭而去
執政聞君名有欲求見之者君深自閉匿不使見也天興
壬辰辟亂京居七月二十八日以病終於寓舍春秋五十
有四用覃恩積官至奉直大夫夫人同縣李氏子男二人
長曰晉次曰益晉等以其年月日舉君之柩歸葬於縣東
原之先塋禮也自利錄之學盛且百年間夫以經術自據
者私欲旣勝強爲操治之往往齟齬而不相入君天資旣

高且恬於進取其學也優柔饜飫久與俱化眉宇津津然
望之知其爲善人君子力省而功倍蓋有不可誣者晉來
速銘用所以知君者著於篇而不敢一言私焉銘曰鬱如
其充渙如其融六經之春見服與容彼合也人我天之通
求仁而得何計幸逢環堵蕭然薇霍不供商歌之聲天地
絳中萬物並流三才既正司南聖涂發軔伊始黃裳元吉
無庸青紫華表之入龍圖君百年君遊不留道將孰傳松栢
之碑石表其前是銘趙子之墓過者式焉

叅議賈公墓銘

公諱恪字維恭姓賈氏開封通許人高祖孟榮宋河源縣令曾祖思中爲臨洛鎮巡檢祖彥弼國初爲鉛山令父任
禎韜德弗仕母潘氏有淑行公自幼穎敏學憲兩浙歐陽
哲見而奇之選補邑庠刻意問學雖嚴寒酷暑手不釋卷
正統戊午領河南鄉薦明年登進士第擢行人將命四方
人皆偉其才歲丁卯選陝西道監察御史遣刷山西文卷
自諸司以及郡縣無敢影匿官吏懾服已巳遣理浙江銀
課時處州寇發公隨機嚴設備禦民賴以安景泰初膺勅
命封其父如其官母封孺人後丁艱服闋改江西道掌廣

東道事乙亥朝廷以迤北邊備爲重乃命糾治宣府諸要地日練軍士以靖邊境暨代歸適英宗光復寶位慎選老成以任方岳乃授公山東布政司叅議召至便殿宣諭德意賜寶鈔千貫公懷惕厲以求報稱三載績最賜誥旌褒進階朝議大夫督餉遼陽而邊儲足修治漕河而水利興丙戌歸老與致仕方伯岳陵張斌都御史婁良鄭寧叅議楊鐸僉事和維輩結耆英會優游者十載以乙未歲八月五日疾卒得年六十有二配鄭氏封恭人子三長曰宏太學生次曰定辛卯貢士季曰宗宗人府儀賓階亞中大夫孫男九希周希程希朱希邵希吳希楊希高希文希尚女

二以是年十月二十七日葬邑東三里岡先塋之次銘曰
嗟惟公之秀拔兮厥材孔碩爰歷仕於中外兮有偉其績
忽神氣之歸嵩嶽兮乃美玉之殞其質筆遺行之梗槩兮
垂永耀於貞石

墓表

中州學人遜翁景公墓表

國朝 冉觀祖

中

以庸人與才人較庸人林立而才人或百里數百里而一見其多少之數異也以才人與學人較才人猶可屈指數而學人曠世不一覲則於少之中又絕少矣所謂才人秉穎異之姿挾邁往之氣或工制義以弋取巍科或嫻詩文以馳聲藝苑非不可以鳴得意而騁豪情而侈汰自恣者有之困頓思沮者亦有之不能終始一於學藝以才見長當時而已若夫學人中和成性恬默自守利祿不以干其懷聲華不以動其念以詩書爲師程以禮義爲步趨顯晦

同觀險夷一致終始一於學不易其業以希聖希賢爲志而無蕩閑踰檢之行有才不以才見此其所以難覲也吾嘗以此物色天下士於中州得一人焉曰遯翁景公公諱暹字允升遯翁其號也先世某人自某公始占籍通許父含生公遂於學有聲黌序公在襁褓卽識人意旨七歲授書期年四書成誦九歲能文十歲應童子試爲邑令所獎許目以神童十一歲隨父館於汴含生公與友人會文公雖垂髫亦與焉文成無不驚服及入庠學使歎爲異才期以掄元年二十卓然自立謂聖賢可學而至知得一分便

一分以此名曰起巨室多以禮延致乃就館課舉子

業專意四書凡朱註或問輯畧大全蒙存淺達時下諸講
無不逐卷點定令學者知所適從讀周易以本義爲宗取
蒙存相叅尤嗜程傳嘗曰吾於卜筮象數未深研究但取
三百八十四爻之德位時變秉承比應與已相質亦自覺
有得力處作讀易五則刻石學易堂以垂後於八股文徧
蒐前輩名選大家傳彙嚴爲去取成弘正嘉隆萬啟正分
爲四編仿唐詩初盛中晚之例爲前此所未有其論古文
以明道爲主凡言之無關於道者槩置弗取謂風雲月露
朝華夕萎不可以言文也又取司馬通鑑朱子綱目大學
衍義衍義補考覈人物事類以求實用晚尤嗜性理大全

程朱全集暨元明諸儒語錄體驗身心謂外此則岐路旁
門不以淆亂正學教童蒙入塾必先讀朱子小學及近思
錄諸編其爲學近裏着實躬行心得嘗謂道不遠人凡日
用行習動靜語默其天理合當處卽所謂道須在在省察
方有真實受用非見道之卓不能如此洞悉言之也不喜
爲詩而論詩頗當謂古人命意遠寄托深讀之令人興感
起悟若以韻府類書餽飣成篇於道性情之意遠矣所著
書家訓二十四卷隨筆瑣言十卷孝經貫通正解二卷綜
其生平少而壯壯而老無日不學所讀皆正書所著皆確
論以之自治則尊聞行知一稟成憲以之立訓則成人小

子皆奉良規身不離書室事不越目前而其神情舉止統
注於學謂之學人非溢美也其敦倫於家生事葬祭皆如
禮母疾幾殆虔禱請代竟延母生歷十年飲食藥餌手奉
不敢離爲人所難能夫婦白髮相守終身無失言失色教
子以忠信篤敬無慕奇行無由詭道母華而鮮實母見利
而忘義子皆遵教惟謹代從弟完租而又助其父子之姻
教甥成名勗以端入正士免貽姊憂修祠堂四時奉祀常
祀從吉忌辰從凶一遵文公家禮其施德於鄉成人之婚
姻不吝財也釋人之怨爭不惜力也誨人之不及而懇誠
相告恕人之非禮而雅量能容其公言於庭條利害必悉

中典禮必核表人之孝旌人之節邑令欽其品而從其言
倡衆約娣睦社月一會一豆一觴立石四隅爲鄉人勸恢
孔廟之基除泮池之穢正啟聖之位次免首貢之直宿修
忠義費公之塋復先賢子羽之祠皆能一呼卽諾咄猝而
辦其取信于人不予旣事後而見臨終囑子曰無用浮屠
無作淫樂無用戲具芻靈一遵家禮不可塗飾觀聽有失
儒風可謂得正而斃以槩公之生平純乎終始於學矣文
夫子三份乙酉舉於鄉偶邑廩生佶太學生皆能世其家
學志存顯揚衰服走百里持狀求予表公之墓予歷覽史
傳以求爲公位置其著述之富則前漢儒林傳之后蒼韓

墓也四十稱遜翁罷科試則後漢遺民傳之高鳳韓康也
其品詣之高則唐書卓行傳之陽城司空圖也然皆得其
偏不能舉其全因仿宋史周程張朱自爲道學傳擬公以
學人可兼衆美題曰

皇清明經中州學人遜翁景公之墓樹石隧道後之人過
其地而憑弔者山環水繞瑞氣氤氲者墓也日麗霞明晶
光照映者碑也仰溯學人庶髣髴遇之思行人子羽祠
墓邑人欽崇修瞻拜之儀不絕今而後尋訪古蹟公與子
羽百世同不泯

之第不樂今而封焉南古與公與士

人等議以爲行於人于民

不樂其陳道宜墓山日理實則品

野不景公之意世不國宜封之人

公本以試其米自爲義舉封公以

其封之國幾臣空國也然其封其

其封之國幾臣空國也然其封其

其封之國幾臣空國也然其封其

誄

時梁山忠節誄

明張鯤 山東

時梁山諱植字良材河南通許人也正德六年夏四月來
倅梁山縣值山東盜起海隅騷然又數寇梁山縣良材日
憤憤慨然有全城之志城故依山樓堞短隘冬十有二月
大雪寇復至梁士民不貫兵革且晝夜已困糧不支而城
西南隅又崩二十五日城陷良材守縣符死焉妻賈亦以
是日自縊死女名三才九歲死於火嗟乎傷哉良材死城
賈死夫三死親死城臣道也死夫婦道也死親子道也三
綱樹矣嗚呼人壽幾何寧終於不死哉若良材死可矣夫

又何傷梁之人何子應舉秦子統舉三良之骸而棺歛之
還之首邱當事者聞於朝贈廕有差因爲之誅曰烈烈良
材啟明載齟賁筮孔屏實訓誼標乃祖乃父憐而鳳毛補
太學生俾友俊髦穆穆貳雍以遊以遨克鴻學軌惟大丈
夫不爲利誘不爲勢驅爰試哲人授梁判簿梁人德之歌
曰時父曾幾何時四方倡禍荼毒忠涪烈於猛火良材曰
吁是誠在我堅壁選士死而後可寇數攻城良材卻之寇
怒陽遁陰謀出奇薄暮翼擊會我城虧良材曰嗟天也胡
之良材被執罵不絕口曰我王人志在速朽抉眼東門隲
爾賊狗寇曰壯士揮刃且疑裂帛分金存其孤兒節賈聞

變自經公聞有女九齡蹈火弗迷嗟嗟傷哉寇聞罪悔改
館出梁四山憤憤梁人舉屍棺歛痛載告之天王天王曰
慨贈令良材伊賈孺人表厥烈女廕姪胄監奕奕穹祠廓
西維麗松栢維卬薜荔維衛弔蹟者悲被惠者祭不亡者
存可昭後世

傳

鄖陽司理王公傳

國朝
梁熙
安陵

王章炳字文虎號漢倬通許人也明季爲諸生時聲名籍甚邑令余尚春奇其才以國士目之兄章燦亦負重名諸生裹糧從遊者甚衆同中丙子副車亡何邑遭寇亂燦家婢夙啣主引賊入室燦夫婦遂爲賊所執義不屈而死炳聞變號泣潛入寇營誘婢殺之并力格數賊突圍而出順治丙戌舉於鄉丁亥成進士授鄖陽司理時鄖寇未靖炳練兵捍禦屹爲一方保障決訟無冤獄校士得人旋以直戇忤當途遂報罷歸里後招往日從遊之士哀經集傳慨

然以著作爲已任或側弁而吟或按劍而歌雖無隔宿春
晏如也居鄉敦嫻睦篤友誼而遇豪猾大憝齷齪豎子輩
未嘗稍假詞色故生平雖爲士林所重而亦爲群小所嫉
卒年五十所著有陶菴集四卷藏於家子圻博學能文工
書法有父風云

論曰孟子云豪傑之士雖無文王猶興余懷其人每慨未
逮今乃於王公見之以彼之才少貶以徇人必能晉用卽
不用亦不至速罷罷而亦不至於窮愁著書抑鬱以老王
公乃斷斷在此而不在彼何犖犖不羈如此歟其真可謂
豪傑之士矣若政績具在國乘余未敢復贅

吳節婦傳

國朝邑令 劉樾贊 文登

節孝安太淑人者贈昭勇將軍邑處士吳諱堯卿之配也
事姑嫜以孝聞佐封公攻苦下帷公亡無兩孤成人年九
十而終順治己亥九月余承乏茲邑甫下車卽考縣誌見
所載烈女節婦甚多其殆嵩洛鍾靈貞淑代不乏人而投
臺繩髮之遺風猶未泯耶獨安太淑人姓氏未曾纂入豈
執筆者偶遺耶抑兵荒之餘未暇上其事於有司耶無何
邑之士大夫及吳氏耆舊咸陳淑人守節顛末而以入誌
爲請余乃知淑人之苦節最詳而保世亢宗於吳氏者足
光天壤而爭日月也當封公之歿也家道中落兩孤甫離

襁褓淑人以栢舟自矢凡茹荼集蓼於患難之際者六十
二年卒致燕貽繁衍稱通邑巨姓而身及期頤以老淑人
始得含笑九京告無愧于夫子也志良苦矣淑人當獨持
門戶之日惴惴焉惟懼兩孤之未得成立也及兩孤旣立
淑人固以爲所以報吳者可無負矣何嘗計及他哉卽爲
之子若孫者亦以爲所以報淑人者非區區褒獎可以答
其萬一是淑人之節比之古大臣托孤寄命功成不居何
多遜焉而且享年最久非義命自矢冰霜厲操又何以處
艱辛之地而獨膺遐考如是淑人嫡孫名文獻從戎東粵
屢以戰守功擢海南副戎庚子七月遠致函殷殷以大母

之節未列縣志爲恨且屬余爲傳余閱所寄節略悉如邑
之故老士大夫言又不獨仰太淑人之節而兼知副戎公
之孝實太淑人有以遺之也顧淑人不以爲功而天不欲
湮滅之于是篤生慈孝之孫以昌厥後俾淑人之德久而
彌光此乃天之所以顯微而闡幽也余言何足以重淑人
哉副戎公方杼奇畧佐王師底定南服績列旂常勲銘麟
閣在指顧間其必以淑人之苦節上告 天子嘉予而寵
錫之 詔有司表其間永傳不朽則龍章煥灼垂後世而
光史冊又豈待余之表揚也哉

夫豈無天豈待余之哀哉

雖齊桓公其間未有不哀哉

問亦世間其所以為人之苦猶上谷天子

公也

出公天也

千星無

本實大

之也

之也

博士質菴馬先生傳

國朝景

卷八

質菴馬先生諱之驥字龍文原籍浙江會稽人從父遷
公宦遊通許遂爲通許人先生幼善病十四歲始就外傳
經書甫成誦輒解大義年十八學成於四子六經廿一
外旁及百家雲襄公甚愛之性至孝母病求善醫者不得
因攻岐黃術得其秘奧母失明以舌舐之或他出妻杜氏
代之歷三月日乃復明及居喪哀毀骨立自初喪至三年
悉如古禮凡晦日必致齋三日五鼓祭奠悲泣不已族兄
弟有無依者時周其不給并爲其子女婚嫁旣沒棺槨衣
衾竭力營辦無所吝先生性冲和謹慎詳密動循禮法履

任邑侯重其學延課子弟間以獄事相諮多所平反有不
合者輒以去就爭保全甚衆而先生終不向人言人亦終
不知也習鍾王書法兼工隸篆體弱若不勝衣而四方求
醫者日接踵于門先生皆應之然所好不存也惟讀書無
間寒暑晝有不給夜必繼之疾革時猶握一卷不釋手旣
歿邑侯王素園先生贈額曰春風秋月

景份曰吾觀今人稍有涉獵卽侈言博雅粗歷時務輒自
號通材尊已而卑人逞才而傲物魚魯豕亥莫辨其訛違
問經濟哉先生敦倫飭紀躬行心得湛通經術體立用周
舉而措之沛然有餘矣而復抑抑善下不矜己能不施已

功俛焉日有孳孳直與學相始終求之近今蓋鮮其人汪
汪若干頃波澄之不清淆之不濁維黃叔度庶幾近之

則茲井也實與有榮施焉爰約同人各捐金共構一亭將
使莅任斯土者無不以社稷生民爲重而此邦之人睹井
興思亦胥動其忠君愛國之忱是則構斯亭之微意也歟

Blank page with vertical lines and faint bleed-through text from the reverse side.

引

募穀賑濟小引

國朝邑令高崧臨安

天地之大德曰生人得天地生物之心以爲心則凡宇內
含生賦質之倫皆當長養愛惜委曲而生全之矧茲鰥寡
孤獨煢煢無告之民與吾同胞同體痛癢相關忍令其流
離顛連困苦而莫之恤乎某承乏斯土目睹荒歉十室九
空餬口維艱其懸釜不治鳩形鵠面者皆吾赤子也誰爲
父母而聽其仰屋而嘆呼籲無門也耶然一人之力有限
合邑之待哺無窮以涓滴之水救燎原之火吾知其難也
今與諸紳士及鄉耆父老約曰人之好善孰不如我惻隱

之心盡人所同當此凶年非必我果有餘無如彼實不足
尚其撙節浮費惠此鄉人勿因穀貴而黷財貨當因穀貴
而積陰功勿因穀貴而謀田產當因穀貴而種福田爾不
聞眉山之賣業濟隣乎爾不聞費廣信之捐金救荒乎大
凡有利於人必非無益於已此感彼應報施彰彰皇天有
眼斷不負人且貧民常多富民常少同居里閭我獨處其
豐盈彼俱形其浩嘆以多寡之殊形分強弱之異勢此中
情事莫可究極願諸父老熟思而審處之孰得孰失何去
何從不待智者而辨矣此一舉也體天地好生之德廣國
家賑濟之仁爲子孫衍萬世之澤爲目前息爭奪之患胥

在是矣多寡任意隨力樂輸事期有濟尚共勉旃

通志

卷之八

五

敢

表楊烈婦徵文募碑啟

國朝王圻邑人

蓋聞華義三貞曾見永初之記景淑二寡昔傳武庫之文
莫不炳耀簡編輝煌金石是故貞不再醮已爲美冠婦箴
矧夫死且靡他詎不馨貽闔誠允矣芳閨之節得諸少婦
尤難吾邑烈婦楊氏長智里故民劉興典之妻同里楊秀
之女也業本農家世居東里幼操井臼未聞七誡之章躬
績泉麻罔識三從之訓乃及笄而嫁展也于歸廟見而還
全乎爲婦持家以儉恒黽勉于有無處衆惟和著聲聞於
外內方期共此百年眉齊翼比不意棄予中道鵠寡鳬單

截髡長號石思立化拊膺大慟城欲全崩顧堂上雙親勸
須臾以母死念懷中稚子賴鞠育以圖成因之奉老撫孤
未遂倡隨於地下茹荼飲蘖苟延視息於人間豈知時命
多乖蹇遇夏侯之非父抑且天心難問竟同伯道之無兒
泣血終朝椎心永夜酹酒洒一抔之土肺裂肝摧閉門投
五夜之環天荒地老嗚呼寶婺沉光明珠失彩猿啼鶴唳
徒悲烈婦之墳月冷霜淒誰守韓憑之木魂歸天上節著
人間孔曰成仁孟曰立懦鄉里都言罕觀史冊未之多聞
不亦休乎誠哉烈矣圻等居叨桑梓誼忝荀陳共景芳型
同欽大義將來史編載紀遠勝巴寡婦之臺即使樂府流

傳應江華山畿之女伏乞合邑紳士大夫激揚風節聞發
幽光增月旦之評書傳烈女捐錙銖之賜特表貞媛短詠
長銓寵比琬琰之重片碑小碣榮逾袞黻之華道在興觀
義彰激勸謹啟

通言集卷之八
三

徵于烈婦詩文啟

國朝 王榮先 邑人

蓋聞風化端起於閭閻婦德無加於節義苟抱貞守義矢
之死以靡他將表烈揚芳信有美而必錄矧變難出於倉
卒白刃是甘慨慷本乎性成清操不易如于門王烈婦者
稟姿貞靜賦性幽閒善事舅姑旨甘無缺慎修帷簿禮教
夙嫻裾布釵荆祇期佐辛勤於夫子蘭心蕙質詎意來覬
覷於狂且中表匪踈忍操戈以入室呼號莫應孰被髮而
纓冠慘矣刀斧相加命遂懸於腕下壯哉聲容並厲罵不
絕乎口中綱常擔負之極堅寧蹈魚腸而不受點汚於梟
類死生關勘之已破寧輕鴻毛而不忍視息於人間揭大

義以經天持完身而入地投梭贈環之輩視此蔑如墜崖
斷臂者流比之奚愧式金式玉羞他隱忍紅顏全受全歸
愧彼依違男子載諸史冊自足流芳採之人言都爲隕涕
伏望先生大人哀鉞無私激揚有志懷遺徽於曩昔尚爲
擊節而稱嗟覲奇烈於今茲能不循實而表暴願發龍賓
以煥彩冀濡兔管以抽思短幅長篇不拘乎一格古風近
體惟藉夫心裁庶嚴霜烈日之操載鏗鏘之逸韻而俱遠
將蒼松古栢之槩偕雲霞之麗藻而常馨早惠琳琅共登
梨棗猷金戛玉慰貞魄於幽冥鉅筆鴻文振頽風於天壤

大事有傳千古而不朽或因功而思其人則人以功傳或
因人而重其地則地以人傳百世下相與追之慕之愈久
而愈不能忘以忠義節烈之氣之感人深也豫省明季遭
逆闖之亂所過郡縣有不降服者悉屠戮無遺吾許費公
蒞任甫四十日卽罹此變自分力不能守乃懷笏抱印投
井以死事在崇正十四年十二月二十二日也爾時賊薄
城下勢如泰山之壓危卵若登陴以抗無異螳臂當車轍
耳公旣不敢苟且以圖存又不忍驅民以拒寇計無所出
毅然以死殉之無論當年百姓賴公存活者無算卽今日

父老之子若孫亦孰非公之所留遺也乎嗚呼是并得公而傳千古矣并在縣署之東北隅邑人相戒勿汲六十年來棘蔽土掩舊跡將湮所謂因人而重其地者是乎非乎襄平陳公官於許欲覓舊趾構亭于上以志不忘事將舉而遽以調繁去遂不果此或費公之靈陰謂身死而無功于國不欲以地傳耶抑事之需久而後成者其傳爲更直也耶嗣邑宰高公崇慕前徽亟思築亭井上以誌往蹟夫以公之精誠內結忠貞外著大義決於倉猝性命授於俄頃此其殺身成仁昭千古而不磨者豈必待人而顯而井冽寒泉適足動賢豪君子之寤寐而深其愛惜鄭重之想

則茲井也實與有榮施焉爰約同人各捐金共構一亭將
使莅任斯土者無不以社稷生民爲重而此邦之人睹井
興思亦胥動其忠君愛國之忱是則構斯亭之微意也歟

辨

百里奚廟辨

國朝景份邑人

許邑西南二十里百里池舊有百里奚祠俗稱奚王廟其
創建不可考而人之禱而祝之者紛紛也夫百里奚虞人
也按輿圖山西平陽府平陸縣爲虞故地奚載平陸人物
志甚悉其爲平陸人可知跡其生平於虞仕於虞厥後
勝於秦相於秦奚誠宜祀祀於虞祀於秦可矣而許何以
有祠耶左傳鄭伯入許使許大夫百里奉許叔以居許東
偏今城西十里有許大夫百里碑則地以百里名其爲許
大夫百里無疑也吾意許大夫之居此土治此民也其或

有德澤人人沒世不忘者故立祠以祀之此理之所可信者也後之人不知許有百里遂於百里之下贅之以奚且並去其百里而顏曰奚王廟是誠所謂張冠李戴者矣且奚之王孰封之耶秦爵伯也伯其主而王其臣辨名定分於理殊不協况奚名也非姓也崇以祀而冠以名則尊之非適所以賤之耶今不祀百里於祀爲闕典百里之心不安以之祀奚奚必不歆豈惟不歆且將惡其稱名之不正而欲其庇此一方民也豈可得乎夫一祠也百里以非爲已設而不居奚以名號不正而不享萬一邪神厲鬼窺空虛之祠而蟠據之假威福以惑衆而愚夫愚婦口休於禍

福之途其不爲生民之害也幾希嗚乎庸夫昧焉而不
學士習焉而不察承舛襲謬於今幾何年矣邑侯王公過
其地觸於目心知其非循名覈實顏曰許大夫廟且題其
位曰許大夫百里之神位夫而後神有所依祠有所憑而
邪僻不經之說亦將有以預絕其端云

Blank manuscript area with vertical columns.

漢董永格天辨

國朝景份邑人

天下事亦信之於理而已矣理不可信卽簡冊之所紀載
流俗之所傳述儒者必從而辨之蓋所貴乎儒者謂其能
格物致知有以揆乎理之所在而不爲邪說所惑余觀董
永配織女一事而不能無疑焉非疑永也疑傳永之事者
適以誣永而且以誣天也今夫父子之恩天性也永不忍
父之暴露而自鬻以葬之此誠至性所結矣獨是甫畢窆
窀之事旋謀牀第之歡此禮制之大戒也或謂西漢之初
禮制久廢未可爲永責也夫先王緣人情而制禮禮也者
不過行其情之所安而已永旣篤於天性而盡生事之禮

死葬之禮矣獨不能篤於天性而守終喪之禮乎且夫朝而營葬夕而好合雖在常人猶且不忍而謂仁孝如永者忍爲之耶吾固知其有以誣永也至謂上帝感永之孝遣織女下嫁其誣天不更甚乎蓋永之孝既能動天此必積乎其素而非僅自鬻一事也中庸稱舜之孝有以格天而報之以祿位名壽若娥皇女英之嫁蓋出之堯而未聞出之於天也且世傳織女牽牛匹配也雖不可考然牛女皆星也永人也非星也若以配永於理殊不相似將置牽牛於何地乎吾更不知三月之後織女將安歸也不歸之牛是無故而離其夫婦也復歸之牛則於牛爲失節之

永亦非偕老之匹矣一織女也倏而爲牽牛婦倏而爲董永婦倏而又爲牽牛婦不數月而三易其夫其視織女爲何如者耶且一董永孝使織女配之將更有一如永者又將何以配之乎將更有千百如永者又將何以配之乎幸也永納之爲婦耳使永以爲淫奔之婦拒而不納而天之報永者不幾窮乎且主人亦幸而使之織耳萬一不使之織而用違其材織女之術窮而天之術不又窮乎嘗考三垣二十八宿在天成象燦然布列未聞或缺也女爲揚州分野下嫁之時豈猶有此象耶抑並無此象耶此必不可信者也韓子曰人之好恠也不求其端不訊其末惟恠之

欲聞然則人之傳是事者毋亦因人好恠之心而爲之與
不知惟天聰明默運無方人之行事誠有以動天則凡所
以保其身翼其行者豈遂無術而必出於不經之事是天
以福善之舉而爲導淫之媒也吾故以理斷之而知傳其
事者非徒誣永且以誣天也

疏

三月禱雨疏

國朝邑令

阮龍光

新建

伏以日麗花村紅杏絢明霞之彩風和黍谷碧烟浮嫩草
之光首四序以圖功時維東作際三春而秉耒有事西疇
廼願切鋤雲興言塗足而情殷課雨未覩狎犁龍光職司
宰邑術愧牧民官斯土者五年曾無厚惠祈甘霖者七次
疊沐殊膏上帝降康之功非敢貪爲已力匹夫不獲其所
何啻納之溝中丁茲大澤未敷用敢虔誠致禱中州子姓
由來待命於麥苗大德施生詎忍屯膏於鬴轍災黎之元
氣初復未及餘九餘三百室之懸罄猶多惟望如壙如櫛

爲此謹諏本月某日潔治壇墀敬陳蘋藻修二簋之享明
信攸昭抒合邑之虔塵襟頓滌伏願鑒原下邇矜憫愚忱
享祀居歆宥夙愆於已往明神罔怨憐自悔之方新沛卹
雨於青郊芄芃有慶溥傳霖於紫陌或或揚休從此二麥
有秋沐膏澤而咏勤苦三農洽望歌樂利而頌盈寧凡有
未言統于默鑒須至䟽者

五月禱雨疏

國朝邑令 沅龍光

伏以薰風叶律虞絃譜阜物之歌化雨維時箕疇衍休徵
之範黎元欣逢 盛世固已大有頻書瘠土半屬窮簷尚
懼偏災偶見際此南詠待秩未沛甘霖可堪夏日方炎興
嗟旱魃龍光牧民之術宰邑多乖六載於斯未厝蒼黔於
衽席所司何事敢忘稼穡之艱難念大澤之愆期母乃予
實不德憫下土之耗斁竊思民也何辜爰諏本月某日潔
治壇墠虔誠禱請前此無求不應既疊沐乎鴻庥卽今待
澤孔殷倍有資於神力修二簋之享詎云克薦馨香致三
日之齊亦聊以昭忠信伏願慈恩早播大德頻敷鞭石有

靈陰雨流膏於百穀從星所好須臾洽望於三農行看萬
寶告成豐登有慶不致一夫失所民說無疆食德服疇人
人享降康之賜饗農賽社歲歲吹飲蜡之風謹布寸忱爲
民請命仰祈顯佑代帝宣猷凡有未言統于默鑒須至疏
者

九月禱雨疏

國朝邑令

阮龍光 新建

伏以白帝徂秋晚香映晴霞之彩素商叶律無射揚炎息
之風蓋剝果滋生氣無往而不復而田家食力事以敏而
有功二麥兼四氣之全播種宜預九秋之一犁之潤待澤
孔殷來年之豐歉攸關此日之禱求難緩龍光忝司吏治
軫念民依七載庸庸徒貽羞於覆餗中心怛怛莫慰望於
窮簷愧行誼之多違每疎檢束憂旱乾之洊至弗慶豐登
盛夏修呼籲之文再三不嫌其瀆深秋切雲霓之望膏澤
未下於民雖戶有蓋藏亦止薄乎云爾而野皆槁壤豈竟
未如之何爰諏本月某日淨滌塵襟敬燃檀辦前此求無

不格旣於炎燭之下濟以甘霖今茲感則必通忍于肅殺
之餘靳夫渥澤爲民請命繫蘋合黍稷以交馨率衆告虔
梵唄合虛聲而共籲伏願佛心不倦神聽維聰撫黎元之
可矜及時敷惠向天庭而轉奏應候流膏玉露滴金莖灑
作賓王之菊雨寒烟迷愴柳罪來召伯之棠陰小陽逢有
脚之春快覩頻年大有 盛代集休徵之慶欣看品物咸
亨從此八蜡皆通合人神而胥樂三時不言綿報賽於無
疆矣謹疏凡忱冒干丙鑒寸心虔切不盡願言



